

اشیا صائنلر کذلک اون بشلکدن اون بش بشلکه قدر جزای نقی اخذ
ویکرمی درت ساعتدن اوچ کونه قدر حبس ایله مجازات اولور و اگر بووجهله
زخدن زیاده صائدیغی اشیا نان و لیم و او دون و کور کبی ناسک حوایج
ضروریه سندن ایسه اوچ کوندن برهفته به قدر حبس اولور و اون بش
بشلکدن یکرمی بشلکه قدر جزای نقدی النور

ایکیور التمش دردنجی ماده طرق عامه بی و میدان و میر برری کبی منافع
عامه ایچون ترک و تخصیص قلمش اولان برری بوزان و طول و عرضندن
یرچالان کیسه دن بوزدیغی یرک مصارف تعمیریه سی اخذ و استیفا و الیدیغی
براستر داد اولندقدن صکره اوچ کوندن برهفته به قدر حبس و اون بش
بشلکدن یکرمی بشلکه قدر جزای نقدی اخذ ایله مجازات اولور

اشو جزا قانوننامه همایونک اون طوقورنجی ماده سنه ذیل اولسان
فقره نظامیه در

اهل اسلامدن علما و مشایخ و خطباء و ائمه ایله ملل سائره دن صفت روحانیه سی
اولانلر دخی تشهیر قاعده نندن معاف و مستثنایا طوبیلور

جزا قانوننامه همایونک قوندا قجی فصلنده بولان بوز التمش النجی
ماده سنه ذیل اولتان فقره قانونیه در

مغایر نظام بر محاده بیع و فروخت ایچون باروت بولنور ایسه ضبط اولنوب
باروت صاحبی بولتان و صاقلیان اوچ سنه مدته نوروک جزاسی کوره جکدر
اگر حریق ظهور ایدوبده نظاما ممنوع اولان محله بولنه حق باروتک
استعالتدن خسارت ظهوره کلور ایسه مقدار خسارته کوره باروت صاحبی
اوچ سنه دن بش سنه به قدر واکرتلف نفس دخی وقوع و اور ایسه اون
سنه دن اون بش سنه به قدر کور که قونیله جقدر

طونه ولایت جلیله سی مطبعه سنده طبع اولمشدر
فی ۱۲ ربیع الاول سنه ۱۲۸۴ و فی ۲ تموز سنه ۱۲۸۳